



Samewirkende Limburgse Vastelaovesvereniging

Versjlaag uëver 't verenigingsjoar 01-04-2018 t/m 31-03-2019

Doelsjtelling

De doelsjtelling van de SLV is 't in sjtand haote en bevordere van de vasteloavend es uting van leëvende volkskultoeer en folklore in Limburg en doadurch ee beidrage levere aan 't kultoeereel en maatsjappelik leëve in ós provincie; dit mit respek vuur de egeheëd van de durch de lidvereniging plaatsjelijk beoefende Vasteloavend.

Dit wilt de SLV bereike durch 't bevordere van de óngerlinge samewirking, 't versjtevige van de óngerliggende bank, 't oetrike van óngersjeiinge, 't samewirke mit anger organisaties en 't óptreëne es uëverkoepelend orgaan.

Lidvereniging

De Samewirkende Limburgse Vastelaovesvereniging weëde gevurmd durch ziëvetieën vereniging, de grote, traditierieke sjtadsvastelaovesvereniging va Limburg. Dizze vereniging voldoeë aa de criteria zoe-wie die zint vasgelag in de sjtatute. Dizze ziëvetieën vereniging zint: de Aanhawwersj oet Meersje, de Baeker Pottentaote oet Baek, 't Bombakkes oet Gennep, Burgerlust oet Egelse, 't C.C.H. oet Gebrook, de Flaarisse oet Gelaen, V.V.G. Jocus oet Venlo, de Kirchraötsjer Vasteloavends Verain oet Kirchroa, de

Marotte oet Zittert, de Mirlitophile oet Valkeberg, V.G. D'n Oeles oet Tegele, de Piëlhaas oet Venroj, de Rogstakers oet Wieërt, de Steinder Bök oet Stein, de Tempeleers oet Mestreech, d'n Uul oet Remunj en de Winkbülle oet Heële.



Besjermheer van de SLV is de Gouverneur van ós Provincie, d'n heer Theo Bovens.



In 't aafgelope seizoen vierde VVG Jocus haar 16 x 11 joarig jubileum.

Pos

In 't verenigingsjoar 2018-2019 zint mit de papiere pos 34 sjtukke binnegekómme en 63 sjtukke versjik. Uëver de mail zint 102 posstjukke binnegekómme en 49 mails es benuëdigd antwoad gesjik.

Mailverkier mit de vereniging en 't besjtuur hat inkómme 912 kieër plaatsjgevoenge en 658 mails zint oetgegange.



't Besjtuur hat ee groepsapp woarmit sjnel gesjakeld kint weëde. Doomit zint in 't aafgelope seizoen 923 berichte gesjik.



Via de website va de SLV woare 6 berichte binnegekómme en 3 beantwoad.

Besjtuur SLV

Jan Stroek hat 't besjtuur va de SLV versjterkt per 28 mei 2018 ongerwiel de Joarvergadering i Zitterd.

Doomit besjtóng 't besjtuur oet
Raymond Vlecken: president
Paul Göttgens: sikkertaris
Frits Dirks: penningmeister
Max Ruiters: ceremoniaris
Bart Faassen: lid
Jan Stroek: lid.

't Besjtuur vergaderde
moandeliks mit oetzundering va
de moande juni, juli en augustus.

Extra bei-eekómste zint geweër
mit 't besjtuur en óch individule
besjtuurslede in vuurbereiiing va
de Gulden Humor i Egelse mit
KV Burgerlust.

Óch woar aa 't eind va meëts,
d'r 26^e, 't uëverlek uëver de

Gulden Humor mit lede va de Broedersjap, de Piëlhaas as aafgevaardigde va de vereniginge en de Baeker Pottentaote as organisator va de Gulden Humor 2019. De vergadering woar i Zitterd.



Algemeine Ledevergaderinge woare er óp 24 september i Wieërt en óp 4 december i Remunj. De joarvergadering woar óp 28 mei i Zitterd.

Óp zamsdig d'r 17^e november höbbe vier helaas aafsjeid genómme van ósz ierebesjtuurslid Henk Sprengers.

Óngersjeiinge

In dit verenigingsjoar is vöal gebroek gemak va vuurdrachte vuur óngersjeiinge.

In 't seizoen zint 11 Orde va Verdeenste oetgerik (VG D'n Oeles, D'n Uul, De Marotte, De Tempeleers, VV De Rogstaekers, De Flaarisse en HVV De Winkbülle). 2 Kier ee Zilveren Buut (De Baeker Pottentaote en De Marotte) en 4 kier ee Hoesorde.

NEG

't Congres va de Närrischen Europäischen Gemeinschaft woar 't aafgelope joar i Zwitserland i Altstätten. Ee gevarieerd program en goode vergaderinge. Dizze NEG-Jahrestagung woar va 20 t/m 23 september. Marcel Brans is doa as ambassadeur va de NEG benumd.

Óp d'r 19 jannewaar woar 't NEG-Jugentreffe i Landgraaf. Inkele vereniginge va de SLV woare doabei aawezig.



Externe kontakte

't Besjtuur va de SLV wil geer mieë bei de vereniginge kómme. Dat is gebuëd durchdat 't besjtuur dit combineerde mit 't oetrike van Ordes gekoppeld aa ee evenemint.

Óch woare er oetnuëdiginge vuur ee bezeuk aa 't Pantheon i Valkeberg va de Mirlitophile, de 11^e va de 11^e óp 't Vriethof, 't aafsjeid va Vorst Rob i Venray, de Limburgse Daag i Maaseik va Liveke, de neuijoarsóntvangs va de Provincie, de Buuttekampioensjappe in Remunj, 't 4 x 11 joarig jubileum va 't 36^eer Regiment i Kirchroa, 't 3 x 11-joarig jubileum va Paul & Leo i Heële, de presentatie va de vasteloavesposter i Mestreech, de 54^e Diesviering va de NUL i Mestreech, 't KVL i Heel, 't LVK i Mestreech en 't Knoevelemint va de Provincie woa vöal SLV-vereniginge woare. En vier woare aawezig bei d'r Närrischer Empfang der Tollitäten i Würselen óp carnivalsvriedig.



Gulden Humor

Laureaat

Óp dieënsdig d'r 29^e mei woar 't besjtuur va de SLV i Brussel um d'r laureaat Frans Timmermans te verrasse.

En dat woar 't: ee echte verrassing. Ónger de klanke va Wiel Knipa goof Frans Timmermans aa hieël verierd te zieë um de Orde va de Gulden Humor i Egelse te óntvange.

't Leuke woar dat óch L1 aawezig woar i Brussel.





D'r daag va de Gulden Humor

Dizze daag woeëd óp zamsdig d'r 24^e november i Egelse gehoate. KV Burgerlust how good oetgepak. 't Woar wirkelik een fantastische daag. Noa de óntvangs en welkomswöad ging 't ganse gezelsjap noa de parochiekirk woar de oetreiking van de Orde va de Gulden Humor plaatsjvóng. De laudatio woeëd oetgesjproke en de Orde va de Gulden Humor woeëd oetgerik aa Frans Timmermans mit de beibehüerende oorkonde. Óp zie eege welbekinde meneer dankde heë vuur disze geweldige ier.

's Oavends woar i 't Socio Project ee fantastiesch fieës. D'r zaal woar prachtig verseerd en 't gong tot i de nach durch. Frans Timmermans leep durch d'r zaal woar hee woeëd gefeliciteerd durch de vereniginge en de vöale gaste.



Bei ee lach hoeëd óch ee troan. Óp d'r 1^e december woar Pierre Cnoops gesjtorve. Heë woar Gulden Humor- en Gouden Narrenkap drager. Hee woar nog betrókke bei de vergadering vuur de laureaat en woar wie ummer aawezig ongerwiel de oetrekking va de Gulden Humor. Limburg hat mit him ee geweldige, humorvolle en betrókke man verloare.

Sjponsore

Sjponsore zint noeëdzakelijk vuur 't vuurbesjtoan van ee vereniging. 't Is muilik sjponsore te vinge en d'r penningmeester is same mit de rest va 't besjtuur óp zeuk noar nuie sjponsore. Enkele name zint al gevalle en zulle benaderd weëde.



I jannewaar zint vier óp d'r 23^e jannewaar same mit de sjponsore i Heële noa de Medamme-coer gegange.

Dank aa Boels Rental, Brand Bierbrouwerij, Kemit, Thetru en Wiertz Personeelsdiensten vuur de óngersjteuning.

Letsendlich

't Woar alwer dudelig ee seizoen mit ee lach en ee troan. 't Hool ós bewus va de betrekkelikheid va 't leëve. Evvel 't blief geneëte va al wat binne ónze vereniginge gebuëd en doa heure noe eemoal ee lach en ee troan bei.

Vier blieve ós izette um same mit de lidvereniginge de Limburgse Vasteloavend i sjtand te hótte as cultureel erfgoed va ónze Provincie.

Heële, april 2019, Paul Göttgens

Geakordeerd te Baek op maondig d'r 20^e mei 2018

Raymond Vlecken, *president*

Paul Göttgens, *sikkertaris*

